

المعاني الثمانية لاسم الله الكبير | #سلسلة_الأسماء_الحسنى | د

. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اما بعد بتفضل المشاكل كبيرة وبتفضل الهموم كبيرة وبتفضل الامور كبيرة لحد ما تعرف الكبير اول ما تعرف الكبير كل حاجة بتزهر. وكل حاجة بتاخذ مكانها الحقيقي. عارف يقول لك الانصاف بتقوم امتى ؟ لما ما فيش كبير - 00:00:01

فبيبدأ فلان يتكلم وفلان يعمل شيخ. وفلان يعمل مفتي وفلان يعمل آآ مسقف وفلان يعمل عالم لحد ما ييجي حد كبير حق وحقيقي. عالم كبير بحق وحقيقي. كله ياخذ مكانه. وكله ياخذ وضعه. فالصغير بيتكلم لما الكبير بيغيب. لما الكبير - 00:00:28 يغيب نور الاتصال به من قلبك. كل حاجة بتبقى كبيرة في حياتك. المشاكل بتبقى كبيرة والهموم بتبقى كبيرة. والضغط بتبقى كبيرة المخاوف بتبقى كبيرة. والخوف من المستقبل بيبقى كبير. وكل مشكلة صغيرة قد كده وبتبقى كبيرة لحد ما الكبير بيجي -

00:00:48

حياتك كل حاجة بتاخذ مكانها الحقيقي والدنيا بتاخذ مكانها الحقيقي وبتفاجئ ان كل حاجة كانت صغيرة بس انت اللي ما كنتش موصول بالكبير النهاردة بازن الله سبحانه وتعالى اخواني واحبابي في الله عندنا مهمة صغيرة. هنقارن ما بين عشر اسماء بس ما بين اسم الله الكبير واسم الله المتكبر - 00:01:08

واسم الله العظيم واسم الله المجيد. واسم الله العزيز بازن الله. واسم الله العزيز. واسم الله السيد. والاكبر والاعلى علي والمتعال وذو الجلال كده بقوا حداثر. المهم يعني في ايه؟ مجموعة من الاسماء كده هنتكلم عنها مع بعض بازن الله سريعا. عشان نفرق ما بينها. ما تعتقدش - 00:01:28

ان الاسماء الحسنى لانها شبه بعض. فكلها زي بعضها زي ما اتكلمنا المرة اللي فاتت على المحسن والجميل زي المحسن ما يقول لك آآ صاحبة الحسن والجمال او الحسن والجمال ما الحسن والجمال والجمال والحسن لأ ما الكلام ده مش موجود. لما بتبقى في اسماء الله المحسن حاجة والجميل حاجة تانية خالص. كذلك العظيم - 00:01:48

حاجة والمجيد حاجة والكبير حاجة. بيبقى في منطقة تلاقي. يعني فيه معاني مشتركة ولكن فيه مناسبات مختلفة لكل اسم من اسماء ومجالات عمل واسقاطات في الواقع. واسقاطات على حلول مشاكل في حياتك غير بعضها خالص. يعني الرزاق غير المقيت. رغم ان - 00:02:08

المخطط اللي بيديك القوت عايز يعني ايه عايزة تقوت عايز القوت عشان اكل والرزاق اللي بيديك القوت برضو وبيديك الاكل ولكن فرق رهيب رهيب ما بين الرزاق آآ انا بديك تفاحة تاكل ما دا رزق انما القوت الكهربا قوت البترول قوت الغاز الطبيعي قوت - 00:02:28

كلمة قوت دي كلمة العالم كله الوقتي الحروب يقول لك حرب الماية وحروب الانهار. والنزاعات على الانهار. الماية قوت حاجة الاقوات حاجة الطاقة. شفت كلمة الطاقة في الفيزيا اللي كنا بندرسها في الفيزياء قبل كده؟ كلمة الطاقة ومصادر الطاقة اسم الله المقيم - 00:02:48

الطاقة بقي. اللي بيدي الطاقة انت نفسك انت عايز ببقى عندك طاقة عشان تقدر تسمع. وعشان تيجي وعشان تتحرك الطاقة. ان ربنا

يديك الطاقة ويمدك بالطاقة ده اسم الله المقيم. انما الرزاق ده قصة تانية وقصة كبيرة في كل اسم من اسماء الله له مجال عمل

عظيم من اسماء الله الجميلة اوي اوي - [00:03:08](#)

والعظيمة اوي واللي بتخليك تقدر تعيش في هذه الدنيا اسم الله الكبير. اسم الله الكبير. المكان اللي ما لوش كبير بيبقى مصيبة يا جماعة بيقول لك اللي ما لوش كبير يشتري كبير ودايما في الاعراب والقبائل والكلام ده يقول لك كبير القبيلة يعني ايه كبير القبيلة؟ لما يتكلم كله يسكت. لو معدي كله يقوم - [00:03:28](#)

اقف كلمته ما تنزلش الارض ابدا الكبير قوي ده كبير بحق وحقيقي. فعشان كده الكبير الكبير في هيئته. فيه فرق بين الكبير والسيد. ايه الفرق بين الكبير والسيد؟ الاثنين مذكورين السيد والكبير او السيادة والكبر مذكورين في سورة يوسف. والفيا سيدها - [00:03:49](#) لدى الباب يبقى السيد الذي له السلطة الذي له السيادة. يقول لك السادة المستشارين. اه كان زمان طبعا هي السادة الفقهاء. دلوقتي بقت السادة المستشفى. السادة الفقهاء. يعني اللي بيقول حلال ولا حرام - [00:04:09](#)

اللي بيقول صح ولا غلط اللي بيحكم في القضايا. فيبقى السيد الذي له السلطة. له سلطة في الموضوع فعلا. فيا سيدة سيدة اللي هو وربنا عبر عنه بكلمة سيدة لو سلطت عليها. ولكن هل ده منعها انها تحاول تزنيه؟ لا. هل ده منعها انها تبص لغيره وتحب غيره وتغلق الابواب - [00:04:22](#)

عشان تقع في الزنا مع غيره لا رغم انه سيدة له سلطة عليها. انما جواها لا. الصفحة اللي بعدها ربنا يقول فلما رأيناه ايه لا الكبير حاجة تانية بقى. الكبير ده له هبة. يعني ممكن ابوك كبير وابوك يموت. وبعد موته باربعين سنة. لا لا لا - [00:04:42](#) ابويا قال لي كذا يا عم انت داخل في مشكلة وهتطلق مراتك بسبب كلمة ابويا ما تنزلش الارض. يا عم ابوك مات من اربعين سنة لا ده ابويا كبير. ابويا مش مجرد - [00:05:02](#)

سيد مش حد له سلطة ده له هبة عشان كده فاطمة بنت عبدالمك لما مات عمر ابن عبدالعزيز زوجها وكان خد الذهب بتاعها كله فاطمة بنت عبدالمك ابوها خليفة واخوها - [00:05:12](#)

خليفة وجوزها خليفة من النساء اللي يعني ايه كل الرجالة اللي كانوا في حياتها كانوا خلفاء. فطبعا ابوها واخوها بقى جايبين لها ذهب الذهب. فلما اتجوزوا عمر ابن عبدالعزيز ومسك الخلافة خد الذهب بتاعها كله وحطه في بيت المال ده بتاع ربنا. مش مش بتاعك اصلا - [00:05:22](#)

فلما ماتت وزير المالية بقى اللي هو مسئول الخزانة وقام مرجع لها كل ذهبها قال لها خلاص يعني ايه الذهب بتاعك اهو قالت ما كنت لاعصيه لاطيعه حيا واعصه ميتا. انا مش هسمع كلامه احبي سيدنا عمر ابن عبدالعزيز رحمه الله - [00:05:38](#)

مش هسمع كلامه واحبي واعصيه وهو ميداد كبير بقى. انما السيد اللي له السلطة اول ما خرجت من منطقة نفوذه ولا اول ما ما عدش شايفك مكسر كلامه. لان هو سلطة خارجية انما الكبير ده الهيبة الداخلية الحقيقية فالكبير كبير فهتم. يا جماعة كل انسان في الدنيا دي - [00:05:58](#)

كل صغير بيدور على كبير. الدول الصغيرة بتدور على دول كبيرة تنتمي اليها. وتتحالف معها وتعمل موافيق ومعادات معها. ما فيش حد صغير يقدر يعيش في كبير الا لما يتحالف مع حد كبير. فانتمي للكبير. لانك انت صغير ولانك انت ضعيف ولانك انت ما تقدرش تعمل حاجة. انتمي للكبير. عشان كده - [00:06:18](#)

يعني احد الدعاة زمان في بلد من البلاد كان نجح في قوي قوي في دعوة الناس وهداية الناس الى الله فيعني في الغرب طبعا مش عايزين اهل اسلام يرجعوا للدين. فقالوا هنعمل معه ايه؟ فقالوا اصنعوا له واقعا اكبر منه. اعملوا له احداث في البلد اللي هو عايش فيها اكبر منه - [00:06:38](#)

واكبر من دعوته يقوم يقع. اصنعوا له واقع اكبر لما الواقع يبقى اكبر منك روح للكبير. لما الهموم تبقى اكبر منك روح للكبير. لما المشاكل تبقى اكبر منك لما تكبر عليك خلاص ما عادتش قدك بقى والجلابية وسعت عليك اوي. ما عدش دورك. كبرت عليك قوي رح - [00:06:58](#)

كبير عشان اسم الله الكبير ده اسم بيحل لك ازمات كبيرة اوي في الحياة. ان لك كبير ده حاجة جميلة اوي. وان انت عارف ان الكون له كبير ده بيخليك مرتاح اوي - [00:07:18](#)

وان انت عارف ان فيه حد اكبر من اي مشكلة واكبر من اي هم. ده معنى عظيم اوي. عشان كده من معاني الكبير الكبير في لطفه. والكبير في الكلمة الجميلة المشهورة ما تقولشي يا رب انا لي هم كبير. قل يا هم انا لي رب كبير - [00:07:29](#)

الكبير اللي اكبر من اي هم واكبر من عشان كده الكلمة اللي دايمًا اللي حوالهم يقولوها لما تسود تسود وفجأة تفرج يقول لك ايه ربنا كبير يعني ايه يعني المشكلة كانت كبيرة بس ربنا اكبر من المشكلة. والازمة كانت خطيرة بس ربنا اكبر من الازمة الكبير في لطفه وآ - [00:07:48](#)

سبحانه وتعالى عشان كده ايه الفرق بين الكبير والاكبر بقى؟ النقطة الثانية بعد ايه الفرق بين الكبير والسيد؟ ايه الفرق بين الكبير والاكبر؟ هو الاكبر دي بتستعمل فين؟ في الاذان. الله اكبر الله اكبر. طب ما كأن ربنا - [00:08:08](#)

والاذان يبقى الله الكبير. الله الكبير. كان يبقى اسم من اسماء الله كده جميل كده والناس تفوق كده الكبير ليه اكبر لان لو ربنا اصل الكبير معناها ان كل من سواه ايه؟ صغير. اه الكبير الف ولام حصر وقصر. ما فيش غيره قال - [00:08:21](#)

كل الباقي صغير فلو ربنا في الاذان قال لك الله الكبير يبقى معناها ان انت يا اللي قاعد مع مراتك بتأكلها او بتشوف او يا اللي قاعد مع اولادك بتربهم او يا اللي - [00:08:41](#)

التسعة على رزقك او يا اللي في كلية الطب بتتعلم الطب او يا اللي بتبني عمارة او يا اللي بتنتج في مصنع او يا اللي قاعد في معمل بتخترع او - [00:08:53](#)

واليالي نازل بتطلب العلم الدنيوي او العلم الشرعي او يؤوية اللي رايح تصل رحمك. كل اللي انتم بتعملوه صغير. كل اللي انتم بتعملوه ده حقير تعالوا للحاجة الكبيرة اللي بحق وحقيقي. لو كان ربنا قال الله الكبير في الاذان كان معناها كل اللي انتم بتعملوه صغير - [00:09:03](#)

ولكن الله اراد الا يحقر للمسلمين الدنيا ربنا اراد لان الدنيا ربنا شف ربنا بيكلم النبي بيقول له ايه وما تكونوا فيه سورة يونس وما تكونوا فيه شاء وما تتلوا منه من قرآن - [00:09:23](#)

ولا تعملون من عمل. الناس بقى لما بتشتغل فيها على حاجات عظيمة وحاجات قليلة. انما لما جت مع النبي قال وما تكونوا في شأن كل افعال النبي عظيمة حتى وهو مع زوجته - [00:09:38](#)

عليه الصلاة والسلام. حتى وهو مع ولاده عليه الصلاة والسلام. حتى وهو بيداعب اطفال الصحابة عليه الصلاة والسلام كلها شئون. كلها فداه المسلم. المسلم كله اموره عظيمة لانك بتتعلم يا متعلم يا بتخدم يا اخي انت بتصنع حياة فاراد الله ان يعلمك. انك حينما تذهب للصلاة فانما تنتقل من كبير - [00:09:48](#)

الى ايه؟ الى اكبر من كبير الى اكبر. فهنا بقت الله اكبر اللي انتم فيه كبير. المفروض المسلم يقلل قاعد له قدام بلاي ستيشن ولا قاعد لي قدام عدلي على الكافيه مش لاقى حاجة يعملها ولا قاعد يشد في شيشة ولا قاعد يقلب على المسلم اعظم من هذا. فالمفروض يعني ان كان - [00:10:08](#)

من باب الترفيه فنام قدره. المسلم اعظم من ان حياته يبقى ده اللايف السايكل بتاعها عموما. فالمفروض انت انت بتعمل حاجة كبيرة. فربنا لما ناداك ناداك والتقدير زي ما ربنا بيقول يا ايها الذين امنوا يا ايها آ ربنا لما ناداك ناداك بالتعظيم. لان المفروض ان انت انسان جواك مشاعر عظيمة وتعمل اعمال عظيمة - [00:10:28](#)

وشايل مسؤوليات عظيمة شوفوا ربنا سبحانه وتعالى. يعني بيقول ايه في القرآن؟ وقالوا لن يدخل الجنة الا من كان هودا او نصارى امانهم. يعني ايه تلك امانهم تلك من يوم العلماء قالوا هذا اسلوب تهكم - [00:10:48](#)

اسلوب تهكم يعني ايه تلك يعني ربنا بيقول للنبي شف احلامهم ايه. شف بيحلموا بايه؟ شف افكارهم في ايه؟ شف بيتمنوا ايه؟ شف اهدافهم ايه شف اللي نفسهم فيه ايه! عارف اسلوب الاستفهام الاستنكاري تلك امانهم هي دي احلامك! عارف لما واحد يوقفك

كده انت بتحلم بايه! انت انت - 00:11:05

نفسك في ايه؟ رسالتك في الحياة ايه؟ فتقول له والله انا عايز اجيب فلوس وعايز اشتغل وعايز تلك امانيههم هي دي احلامك؟ هي دي افكارك ايه الوضاء يا عم احلم بان يكفيك الله في الدنيا وان يمدك الله من الدنيا. فالدنيا دبت الاخرة. وده انت هتطلع زكاة ازاي الا لو تاجرت واشتغلت. ولا هتطلع فقران طول عمرك عايز حد - 00:11:25

يديك زكا هتجج ازاي الا لو اخترعت طيارة والا لو بنيت مطارات والا هتجج ازاي يعني؟ هتصوم ازاي الا لو انت راجل ربنا رازقك وعندك صحة وعندك قوت يبقى ما فيش دين من غير دنيا. عشان كده ربنا لما ناداك في الاذان قال الله ايه؟ الله اكبر مش الله الكبير لانك في كبير - 00:11:45

انت في كبير امور كلها بتبغى بها وجه الله. ولكن الله اكبر من كل هذا سبحانه وتعالى. فتلك امانيههم اكبر. وده من معاني الكبيرة يا جماعة الكبير في الكبير في تقديره للامور. كما قال النبي صلى الله عليه وسلم ان الله يحب معالي الامور - 00:12:05
ربنا ما يحبش الانسان الحقير الوضيع اللي كل قضيته هاكل واشرب وشهوة يعني عارف الشاب اللي عايز يتجوز فقاعد يا عيني بقى له سنتين يا عيني. قاعد يدخل بيته ويخرج من بيته. ويدخل بيته لأ اصل دي عينيهامش عارف ايه اصل ده مش عارف لأ اصل دي بقى مش عارف مناخيرها - 00:12:26

ايه اخر مرة بيقول لي انا عايز واحدة ادفعها دقيق وقاعد بقى ايه يعني قاعد يرسم المهم وربنا رزقها له في نفس اليوم يعني. سبحانه الله العزيز حد سمعنا هو بيقول لي ياد فيها دقيق وعنيها مش عارف ايه فحد سمعنا فقال انا عندي المواصفات دي. راح شافها بعدها بيومين ثلاثة وكانوا متجوزين بعض بفضل الله - 00:12:46

فانت في واحد ان الله يحب معالي الامور. يا عم الدنيا مش الدنيا مش بالمنزر ده. ها واحدة مقبولة يا عم وواحدة كويسة وواحدة مطيعة وواحدة طيعة. الدنيا مش بالمنزر ده. ان الله يحب معالي الامور. ربنا يحب الانسان اللي اهدافه كبيرة. واللي طموحاته كبيرة. واللي - 00:13:06

اللي تفكيره كبير واللي اماله كبيرة واللي جهده كبير. ان الله يحب معالي الامور ويكره سفسفاه. فربنا عشان كده في سورة الكهف حتى اذا بلغ مطلع الشمس وشدها تطلع على قوم لم نجعل لهم من دونها سترا. عرفوا بينوا بيوت عشان يستروا نفسهم الشمس - 00:13:26

ولا عرفوا يخترعوا هدم ويبصنعوا هدم عشان يستروا نفسهم. الم نجعل لهم من دونها سترا. لا هدم لابسينها ولا بيوت ساكنينها. ناس كده تخلف التخلف. زي قبائل كده اللي بنسمع عنها كده او بنشوف صور التخلف فربنا بيقول ايه كذلك فقضى حتنا بما لديه خبرا. شف كذلك دي. شف ربنا لما بيتكلم على المتخلفين دنيويا بيتكلم - 00:13:46

القرآن اهل التخلف الدنيوي كذلك. كلمة هي التعليق على القوم دول كلهم وطريقة التعامل مع ارحموا يا ذا القرنين كذلك. اه وقد احاطنا بما لديه خبرا. فربنا لما اتكلم عن الناس الوضيعة في احلامها واماينها. قال تلك امانيههم! شف بيحلماوا بايه - 00:14:06
شف بيفكروا بايه؟ شف صدورهم مليانة احلام شكلها ايه ناس وضيعة. ناس صغيرة. فالكبير بيحب الكبير. بيحب الانسان اللي كبير في همه وفكره انت ما عندكش حاجة تبقى فيها كبير. انت انت صغير في جسمك. صغير في طاقتك. صغير في صحتك. صغير في عمرك. انت صغير في كل حاجة. الحاجة الوحيدة اللي تقدر تبقى - 00:14:26

كبير في اخلاصك. كبير في ايمانك. كبير في مشاعرك تجاه الله. كبير في همتك في الدين وفي طلب العلم وفي حفز القرآن. كبير في اهدافك وطموحاتك دي الحاجة الوحيدة اللي انت تقدر تبقى كبير فيها. اما تبقى صغير في دي انت قيمتك ايه في الحياة اصلا - 00:14:46

يبقى كده الفرق بين الكبير والسيد الفرق بين الكبير والاكبر آآ انتمي للكبير. اي صغير بيدور على كبيره وينتمي اليه ينتمي للكبير عشان تقدر تعيش حياتك مسنود ولك ظهر يقول لك اللي له ظهر ما يتضربش على بطنه. انت بيخلي لك ظهر في الحياة وخلي لك كبير. وانت بتتعامل في الحياة - 00:15:02

آآ اي حاجة كبيرة لما بتعلّى اوي او بتبعد اوي بتصغر. يعني الشمس اكبر من الارض مليون وتلتميت الف مرة. ولكن الشمس لما بعدت بايدك كفة ايدك كده تعمل كده تغطي الشمس عن عينك. يبقى اي حاجة كبيرة لما بتعلّى انما الله الكبير. في علوه كبير - [00:15:24](#) ربنا سبحانه وتعالى في علوه كبير سبحانه وتعالى. فربنا الكبير رغم علوه العظيم سبحانه وتعالى كل حاجة بتفضل كبيرة لحد ما بتعرف الكبير بتبدأ تصغر. ربنا كبير في ايه؟ ايه افاق اسم الله الكبير؟ الكبير في خلقه. احنا لحد دلوقتي - [00:15:43](#) اخونا الكبير في ايه؟ حد مركز معي؟ قلنا الكبير لحد دلوقتي في ايه؟ قلنا الكبير في هيبته. ها هل فيها سيدة بتزني وسيدها او تقع في الزنا وهو سيدة يبقى السيادة والسلطة مش معناها ان هو الكبير بتاعها. انما اجبرناه لآ التكبير الهيبة ده حاجة - [00:16:03](#) نبقى لك كبير فيه هيبة ده زي كبير القبيلة ممكن يكون راجل شيخ عنده تسعين سنة وضعيف اصلا. آآ اومال كبير كبير هيبة ما حدش ياخذ قرار في اي من نوازل القبيلة غير لما هو اللي ايه هو اللي يقول القرار الفصل الاول فدي لو كلمته ما تنزلش الارض. ما حدش يقدر يكسر الكلمة بتاعته. آآ - [00:16:23](#)

ده الكبير بقى يبقى الكبير في هيبته. آآ الكبير في خلقه يعني ايه الكبير في خلقه يا جماعة؟ العلماء كل ما بيكتشفوا مخلوق بينبهروا بكبره يقوموا ربنا يفتح عليهم بادات رصد اعلى يقوموا يكتشفوا مخلوق اكبر. يقوموا ينبهروا بان اللي كانوا مبهورين بانه كبير ده طلع صغير - [00:16:43](#)

والكبير الجديد ده يفضلوا مبهورين به وبعد كده ربنا يفتح عليهم بوسيلة رصد اعلى. يقوموا يكتشفوا حاجة اكبر واكبر. يوم اللي كانوا مبهورين بكبره امبارح يكتشفوا صغار جدا ويبدأوا ينبهروا بالكبير الجديد فالكبير في خلق كل شوية الناس بتكتشف مخلوق اكبر من كل تصوراتهم في الاول - [00:17:06](#)

اما آآ يعني الارض بقى كان بيزنوا ان الارض هي مركز الكون معارك بتاعة آآ كوبر نكس والمعارك بتاعة آآ المعارك اللي كانت ما بين علماء الفلك والفيزياء وما بين الكنيسة دي والارض مركز الكون ولا مش مركز الكون وبعد كده بقى لما بدأوا يكتشفوا القارات ويكتشفوا - [00:17:26](#)

حدود العالم والقطبين اكتشفوا الارض كبيرة اوي. بعد كده اما بدأوا يرصدوا الشمس بصورة اكبر واكتشفوا ان الشمس اكبر من الارض مليون تلتميت الف مرة واكتشفوا الكواكب في المجموعة الشمسية ما كانوش عارفينها. قال لك ده المجموعة الشمسية دي كبيرة قوي. بعد كده لما ربنا فتح عليهم وبدأوا يرصدوا مجرة التبانة - [00:17:46](#)

واكتشفوا ان فيها ربعميت مليار نجم. ده المجرة دي كبيرة قوي ده نص قطرها خمسين الف سنة. نص القطر بتاعها لوحده. بعد كده لما بدأوا يكتشفوا السقوب السوداء بقى واطرعوا - [00:18:06](#)

ومن فكرة السقوط اللي احنا فيها ديت في في في قلبها سقب اسود قعد يشفط. الخنس الجواري الكنس قعد يشفط واكتشفوا وان من كل عشر نجوم بتموت فيه نجم بيتحول الى سقب اسود في النهاية. قال لك يعني معنى كده ان مجارة التبانة فيها ربعميت مليار نجم. يعني فيها - [00:18:21](#)

كم ربعميت مليون سقب اسود. ربعميت مليون مقبرة نجوم. ربعميت مليون شفاط سماوي. عملاق يبلع ويكنس ويفرم ويفني. ربعميت مليون صوت بهزه اترعوا من فكرة السقوب السوداء. وبعد كده بدأوا يكتشفوا المادة المزملة في الكون ومكانه مبهور - [00:18:41](#)

بقى بعد كده اكتشفوا المية وستين مليار سنة ضوئية. اتجننوا مية وستين مليار سنة ضوئية مجرات. ايه ده! احنا الكون الرهيب المذهل المعجز ده ايه المساحة المهولة بعد كده اكتشفوا ان كل اللي شايفينه ده من النجوم المرئية والنجوم الغير مرئية اللي هو السقوب السوداء اكتشفوا حاجة اسمها المادة المزملة - [00:19:01](#)

ايه المادة المادة المسلمة دي اللي محافظة على تماسك الكون مع بعضه. المادة المزرية دي اكتشفوا انها بتتمسل يعني كل النجوم والمية وستين مليار سنة ضوئية. كل ده كل ده لا يكون اربعة في المية من حجم الكون. اومال ايه المادة المزملة؟ قال لك فيه مادة كل في فلك يسبحون. ده فعلا يسبحوا. ده فعلا - [00:19:21](#)

في مادة الكواكب والنجوم دي ماشية فيها بحق وحقيقي سموها المادة المزملة لانهم مش شايفينها اصلا. انما قالوا مستحيل ما

تبقاش موجودة وبتتمسل اربعة وعشرين في المية من الكون اربعة وعشرين في المية من الكون ودي مالية كل الفراغات وما لها من فروج. طلع فعلا ما فيش فراغات في السما. وما لها من فروج المادة المظلمة. بعد كده - [00:19:41](#)

اكتشفوا ان فيه حاجة اسمها الطاقة المزملة بتتمسل تمنانية وستين في المية من الكون. ايه الطاقة المزملة؟ قال لك المادة المزملة دي اللي ضامة الكواكب والنجوم والمجرات قاعدة تضمها وتقربها من بعض قال لك بس المشكلة هو هي الكواكب والنجوم بتقرب ولا بتبعد؟ بتبعد ده بتبعد بسرعة ميت مليون تريليون - [00:20:01](#)

ضوئية في الدقيقة اسعار ازمان حاجات مرعبة. بتبقى طب المادة المزملة قاعدة تقرب وقاعدة تعمل جاذبية تقرب الكواكب والنجوم مع بعض وهي السبب ان كوكب الارض وهو في اطراف مجارة التبانة ما شرطش وهرب في الهوا. لان هو مش - [00:20:21](#)

قلب المجرة فهو مش مجزوب الجاذبية القوية قوي قوي اللي تخليه يفضل يدور في المجرة. ايه اللي مخلي كوكب الارض في المجرة؟ هو في اطراف مجارة التبانة. في اطراف الاطراف ايه اللي خلاك كده؟ قال لك المادة المزملة دي هي اللي ضامة الكون. قال لك بس الكون مش مضموم ده الكون قعد يبعد. قاعد قال لك يبقى فيه قوة اعلى من قوة المادة المزملة - [00:20:41](#)

بتبعد الكرة عن بعضه. قال لك ايه دي؟ قال لك الطاقة المظلمة. وتتمسل تمنانية وستين فيما كنا. عايز اقول ايه؟ عايز اقول ان ربنا كبير في خلقه كل شوية يكتشف حاجة - [00:21:01](#)

يكتشفوا ان فول اكبر منها. وفولة بينبهروا بالاكبر. ينبهروا كل ده اصلا لا شيء في خلق الله وفي كون الله. كل ده ما يجيش حجم ملك واحد عند العرش ورجله قد مرقت في الارض. سبحان الله الكبير! كل دي مخلوقات من مخلوقات الكبير. كل دي صغيرة. بالنسبة لمن

- [00:21:11](#)

خلقها سبحانه وتعالى يبقى الكبير في خلقه الكبير في اغائته. يعني الكلمة المشهورة عند الناس والكلمة المشهورة عندنا كلنا. يعني انت ممكن يكون لك واحد صاحبك في ازمة وانت عارف انه في ازمة. وعارف تفاصيل الازمة - [00:21:31](#)

بس مش قادر تتكلم معه. ليه؟ العين بصيرة والايدي بصيرة. اعمل ايه؟ انا ممكن اكون انا نفسي في نفس الازمة. طب انا هاعمل ايه؟ فالعين بصيرة والايدي بصيرة ده شعار معظم البشر مع بعضهم. مش قادر والله مش قادر ان انا اساعدك ومش قادر اخدمك. مش قادر اعمل لك حاجة خرجها من باب اللي انت فيه. انما ربنا لما سمى نفسه قال - [00:21:45](#)

في الطول زي الطول عارف ان ايده طيارة زي الطول ذو الجود والانعام اللي يقدر يطول جميع المشاكل بتاعتك بالانعام بتاعه ذي الطول فربنا سبحانه وتعالى لأ ربنا مش الايدي قصيرة بقى. اه ربنا زو الطول الكبير في اغائته. في واحد تقول له انا مزنوق -

[00:22:05](#)

يقول لك يا عم خد المتين جنيه دول ايه! يا عم ماشي بس انا محتاج متين الف جنيه. انا مش محتاج متين جنيه! هو ده على قدي! انا باديك على قدي! مش باديك على قد اللي انت محتاجه! فدايما - [00:22:25](#)

بشر حتى احبابك مش بيدوك على قد احتياجك. بيدوك على قد امكانياتهم. وغالبا بتبقى امكانياتهم مش على قد احتياجك ولا تيجي حاجة في احتياجك. انما ربنا هو الوحيد اللي بيديك على قد احتياجك. واكثر من احتياجك. لان امكانيات ربنا اكبر من اي احتياج. الكبير في اغائته من معاني اسم الله الكبير. الكبير في - [00:22:35](#)

واذا رأيت ثم رأيت نعيما وملكا كبيرا. واذا رأيت ثم بص لما تدخل الجنة في اي جهة. بص قدام كده رأيت نعيم وملكا ايه؟ كبيرا. طب بص شمال. نعيما وملكا كبيرا. طب بص فوق نعيما وملكا كبيرا. طب بص في الجنوب الشرقي نعيما وملكا كبيرا. واذا -

[00:22:55](#)

رأيت ثم بص في اي جهة رأيت نعيما وملكا كبيرا. الكبير لما بيدي بقى الكبير لما بيعطي الكبير كبير فالكبير مش هتروح لواحد ملك ويقول لك يا عم خد يكرمك لك متين جنيه ها ويقول لك خد الفلوس دي والله يقول لك حاكم دولة كذا في - [00:23:16](#)

لما نزل مطار دولة تانية من دول الخليج يقول لك طلع آآ ثلاثة مليون دولار آآ آآ البتاع اللي اللي بيتوه في المطار ده اسمه ايه؟ بقشيش. ثلاثة مليون دولار بقشيش. يعني على فكرة ده يعني الرقم اللي فاكره اكبر من كده بكتير بس انا يعني ايه انا بقلل اكثر

حاجة يعني ممكن تكون - 00:23:35

الواحد فاكرها ذهنيًا عشان بس ما حدش يستغرب ان الرقم اللي كنت قريته رقم مربع مربع خد الربع مليون آآ ربع مليون دي لك. خد المية الف دولار دي لك. خد ايه اهو ملك ما ينفعش لو انت صغير هيصفر - 00:23:55

لو صغر في عطاؤه هيصغر في عينين الناس. لازم يفضل عطاؤه كبير عشان يفضل كبير في عطاء الناس. في عينين الناس. في عطاءات الملوك كده ما ينفعش قهاوي وفي الآخر يدي حاجة بسيطة ما ينفعش. ولله المثل الأعلى ربنا كبير في عطائه - 00:24:11
فانت تفرح وانت بتتعامل مع الكبير. لان ربنا لما بيدي بيدي سبحانه وتعالى الكبير في صفاته الكبير صفات ربنا ربنا كبير في صفاته. يعني ايه اعظم حاجة في في الوجود؟ الجنة. الفردوس الأعلى. جنات النعيم. جنات - 00:24:28

جنات الفردوس. صفة واحدة من صفات ربنا اللي هي الرضا. صفة واحدة احل عليكم رضواني فلا اسخط عليكم بعده ابدًا. آآ يا رب اني اعطيكم اكثر من ذلك. يا رب وما اكثر من ذلك. ما فيش علم اللي احنا فيه ده. قال احل عليكم الهدية. يعني صفة من صفات ربنا اعظم من الجنة واللي فيها - 00:24:46

عشان كده كل الفلوس بتاعة قارون اتيناه من الكنوز ما انما فتحوه لتنوء بالعصبي. اولي القوة ده دي خزنة من خزن قارون. عشر رجالة مننا ما يعرفوش يشيلوا المفتاح يعني فيها ايه يعني اذا كانت دي خزاين مخلوق امال خزاين الخالق؟ ربنا الكبير بقى قس على كل امكانية من امكانيات البشر. قس على قدرة - 00:25:06

يوسف ابن برخية لما قال لسيدنا سليمان انا اتيك به قبل ان يرتد اليك طرفك. شف القدرة اذا كانت دي قدرة مخلوق. امال قدرة الخالق سبحانه وتعالى. اوامال قدرة الكبير. ده ده صغير - 00:25:26

كل دول صغيرين. كل دول صغيرين. الكبير بقى يبقى قدرته ايه؟ وغناؤه ايه؟ وقوته ايه؟ سبحانه وتعالى. عشان كده برضه دم الفارق ما بين اسمه يعني ايه العظيم العظيم هو الاسم اللي بيعرفك الفارق بين المخلوق والخالق - 00:25:39
العظيم هو الذي كل من سواه حقير اه لما ربنا يقول لك ايه واعتدل لهم اجرا ايه؟ عظيم ايه عظيم ده كل اجر بجانبه تستصغره فلما تشوف الاجر اللي دول هياخدوه بالزات. اي اجر تاني كنت مبهور به لحد ما تشوف الاجر اللي دول هياخدوه. يبقى العظيم هو الذي كل من بجانبه - 00:25:57

يا حقير اي حاجة تانية يبقى العظيم يقول لك هو التفوق الفارق في القدرة والقوة. فرق ما هو ايه الفرق ما بين امريكا الولايات المتحدة الامريكية وما بين الصومال في القوى العسكرية او ما بين الولايات المتحدة الامريكية وبين جيبوتي في القوى العسكرية اه ولله المسل - 00:26:21

العظيم الفارق المذهل ما بين كل صفاته وقوته وقدرته وما بين البشر. فكل من سواه حقير اوامال المجيد المجيد صانع الامجاد. المجيء يعني اللي خد جايزة نوبل ده عمل مجد؟ لأ ده عمل حاجة كبيرة عمل حاجة جميلة انما اللي بنى امريكا لأ ده عمل مجد لان مش كل قرن هيجي واحد ييني امريكا يبقى المجد - 00:26:41

دول فعال التي مهما مرت القرون لا يطمس قدرها. ولا يطمس نورها ما فيش حاجة اسمها يجي واحد هيعمل اللي اعلى منه. اه ما فيش حاجة اي واحد يوم معلم على اللي قبله يقوم عامل اللعنة فيطمس نور الابهار اللي عمله المجد هو الافعال التي لا يطمس نورها بمر القرون هي - 00:27:07

عظيمة مهما عمل الانسان. مهما اوامال العزيز العزيز هو فيه حد يقدر يأزي حد معه الباسبور الامريكي؟ حدش يقدر يعتدي على حد معه دور امريكي. حد يقدر يعتدي على حد معلق الشارات بتاعة الدولة. ما حدش يقدر يعتدي عليه. حد يقدر يبقى العزيز الذي لا يمس جنبه. ولا - 00:27:27

تمس ولي من اولياء اللي يقدر يحمي رجالته. العزيز العزيز الذي ليس له مسيل وليس له بديل. الله العزيز وسع كرسي ايها السماوات والارض. الكرسي كما يقول ابن عباس موضع قدمي الرب. الكون كله تحت رجليه. العزيز - 00:27:47
ها العزة فلله العزة ايه؟ جميعا فلله المكر ايه؟ جميعا ما فيش غيره اصلا. كله جميعا جميعا جميعا. ما فيش غيره اصلا. كل من سواه

خيالات سبحانه وتعالى يبقى ده العزيز العظيم المجيد. اومال الاعلى؟ الاعلى يعني يقول لك القائد الاعلى - [00:28:05](#)

كل اللي تحته بالاورد ما فيش حد مهما علا. ما فيش رتبة مهما علت. لما يؤمر كله يتكسر. ما فيش فرق بين رتبة ورتبة يعني فيه عميد وفيه عقيد وفيه لوا وفيه كل ده بيتفاضلوا بينهم وبين بعض. انما ساعة القائد الاعلى كل دول سوى بعض. كله زي اليوزباشي

زي - [00:28:25](#)

ماشي زي اللي مش ماشي اصلا كله زي بعضه. يبقى كل اللي تحته واحد عنده. كل اللي تحته مرتبة واحدة مرتبة الخدمة والمشي بالامر يبقى ده الاعلى اللي كل اللي تحته مقهور. كل اللي تحته بالاورد. اومال المتعال. المتعال بقى اللي كل ما يبجي الملحد -

[00:28:45](#)

دين يقوم مطلع لك شبهة. كل ما البني ادم بيكتشف اكتشافات علمية اكثر. مش بيعازم اكثر. ده بيعرف هو حقير قد ايه اكثر. هو الانسان كل ما بيطلع الفضاء بيقول بس بقى انا وصلت بقى انا اقوى من اللي خلق الكون ده كل ما بيطلع الفضاء بيكتشفوا انه حقير

اكتر. كل ما بيكتشف اكتشافات علمية بيكتشف انه ده - [00:29:06](#)

وتعال المتعال اللي كل ما البشر بيعلوا ربنا يوريهم ايات تعلي عليهم فيكتشفوا ان هم ولا شيء. المتعال سبحانه وتعالى اومال نور

جلال الجليل ذو الجلال الذي تتجلجل القلوب من هيئته. يبقى ذو الجلال اسم يتعلق بالهيبة الداخلية القلبية - [00:29:26](#)

زو الجلال اسم يتعلق باحساسك الداخلي. يقول لك ده شيخ يا عم كان صوته مجلجل. مجلجل الجدران بناعة المسجد كانت بتتهز

وكان ملعلع هو ايه مجلجل دي الجدران بتتهز او القلوب بتتهز - [00:29:48](#)

بيقول لك فذو الجلال الذي تتجلجل القلوب وتترزل وتضطرب من الوجل والهيبة والتعظيم جلاله سبحانه وتعالى فده اللي في

صدرك تجاه الله. سبحانه وتعالى. اللي في صدرك اومال المتكبر ايه الفرق بين الكبير والمتكبر؟ المتكبر ده - [00:30:03](#)

اسم من اعظم نعم ربنا على الانسان لو كان ربنا ما سماش نفسه المتكبر كانت بقت مصيبة. كان فيه اولياء كثير من اولياء الله ما

عبدوش ربنا. ما هو اصل انا الانسان عارف انه ضعيف. ودايما بيحب ينتبه للقوي - [00:30:23](#)

اما بيشوف حد اقوى منه يعني الناس تجري على امريكا. يقوم يطلع روسيا والصين يحسوا انه يقوموا يسببوا امريكا ويجروا على

روسيا والصين. وهكذا الناس مش بتنتمي للكبير حب فيه وانما حبا في الكبير - [00:30:36](#)

حبا في الحجم اللي هو فيه. فلما بيجي حد اكبر منه يقوموا سايبينه ورايحين على اللي اكبر منه. فالتكبر يعني زي ما جت انجلترا

كده مش راضية ترجع تايوان فقامت الصين عاملة آآ استعراضات نووية في البحار اللي حوالين الصين. انجلترا اتفضلي الطيران

بتاعتك اهي مش عايزين منك حاجة. بقى لنا ميت سنة مأجرينها - [00:30:48](#)

منك ما اقدرش عايزين منك حاجة. المتكبر الذي يظهر قوته امام الجميع. ويظهر قدره وما الجميع. انت بتتكلم معه ازاي؟ ده انا استاز

في علم الزرة في جامعة مش عارف ايه في امريكا. انت بتتكلم كده ليه؟ ما هو انا الوقتي واحد واقع مغمى عليه في الشارع. وده

بيقول له هاتوا له طش له بص - [00:31:08](#)

وده بيقول هاتوا له شدة شادر وده بيقول شقلبوه حطوا رجليه فوق راسه فواحد يقول له يا جماعة انا استاز دكتور في علاج السكر

والراجل ده عنده غيبوبة اول ما هو مش بيقول كده عشان يتنطط على الخلق. هو بيقول كده عشان القلوب يا جماعة انا فاهم في

داهية. اسمعوا كلامي بقى. ما ايه بلاش نسمع كلام بعض. اسمعوا كلامي. فالتكبر الذي - [00:31:28](#)

قوته التي فوق الجميع. واظهر قدرته التي فوق الجميع. حتى يطمئن اولياؤه انه لا احد اقوى منه. فيبقى ايه ساعتها انت عارف انك

انت مع ايه مع اكبر حاجة بقى سبحان الله رب العرش العظيم - [00:31:48](#)

فكل اسم من اسماء الله الحسنی آآ له مجال غير آآ غير الثاني. فقلنا الكبير الكبير في خلقه مهما يكتشفوا مخلوقات كبيرة اللي

بعدها اكبر منها. الكبير في اغاثته مش العين بصيرة واليد قصيرة. الكبير في عطائه. رأيت اذا رأيت ثمة رأيت نعيما وملكا -

[00:32:04](#)

الكبير في صفاته رضا الله بس اعظم من الجنة كلها. واعظم من الفردوس الاعلى وكل اللي فيها. الكبير في شرعه الكبير في آآ وقلنا

الكبير في هيئته قال فهي سيدة هذا الباب. الكبير في لطفه ورحمته ده المعنى السادس اهو. كبير في لطفه ورحمته - [00:32:24](#)
اللي يقول يا هم انا لي رب كبير. ربنا اكبر من اي هم واي اكبر من اي مشكلة. المعنى السابع اه اه الكبير في شرعه الكبير في شرع
ازاي يا جماعة - [00:32:45](#)

ربنا بيقول الرجال قوامون على النساء. الرجل ها شغال ده تبان ليل نهار عشان يأكلها ويشربها ويربها ويعلمها ويستتها ويربي عيالها
ويؤها منزلا ويجب لها احتياجاتها. الرجال قوامون على النساء. شغال ليل نهار عشان يقوم لها حياتها - [00:32:57](#)
وعشان يقوم اي عوج في حياته. وعشان يقيم لها مصالحها. فالصالحات آآ بما فضل الله بعضهم على بعض وبما انفقوا من اموات
فالصالحات المرأة اللي تصلح للحياة الزوجية هنا مش الصالحات بس يعني ايه ؟ الصالحة المؤمنة المتدينة اللي تنفع زوجها. هو فيه
واحدة ما تنفعش زوجها؟ اه في واحدة ما تنفعش زوجها - [00:33:17](#)

ولا تنفع ببصلة. زي ما فيه رجالة ولا ينفعوا ببصلة انهم يبقوا ازواج. ولا ينفع ولا هو فاهم اصلا. رخصة قيادة عربية لازم تتاخذ قبل ما
تركب عربية لانك هتموت بني ادمين - [00:33:37](#)
لو انت ما انتاش معكش رخصة دي رخصة قيادة اسرة اعظم مليون مرة من رخصة القاهرة العربية اعظم مليون مرة لانك انت
هتجيب عيال هتدمرهم وهتضيعوا ولادك ما انتاش فاهم حاجة. لا مرات لا الزوجة فاهمة ولا آآ فالصالحات قانتات مطيعة -
[00:33:47](#)

حافي وبتاع جوزها. حافظة للغيب ما بتفتش اسراره برة بما حفز الله ربنا اللي حفزها لك بقى. والتي تخافون نشوزهن. طب واللي
تبدأ تعلق عليك بقى وهتبدأ تتمرد على قوامة الرجل وهتبدأ بقى هتجوز جواز صالونات وانا لي رأي - [00:34:04](#)
انت لك رأي وما فيش حاجة اسمها لما لما نختلف انت اللي تفصل وليه وعشان ايه قال لها فعظوهن. طب مش نافع واهجروهن في
المضاجع. البعض قال حي يعني هتنام معه في نفس السرير بس زهر. تديها زهرك والبعض قال لك لأ. واجورن واضربوهن. اضرب
واحدة ست - [00:34:24](#)

ولان اللي هيتعمل بعد كده مصيبة في حياتها. اما تفوقها تفوقة صغيرة احسن. ما تكسرهما كسرة تحطم البيت كله. خلاص واحدة مش
الدنيا تفوق بكل المراحل دي. فان اطعنكم فلا تبغوا عليهن سبيلا. اوعى بقى تنطق ما تطلعش عضلاتك فلا تعضوهن. طلعلش عضلاتك
على واحدة ست. دي لا مرحلة ولا مجدعة دي ندالة. وو - [00:34:44](#)
ضاعوا دناءة اه فان اطعنكم فلا تبغوا عليهن سبيلا. ان الله شف ربنا بيهدد الرجل. لو مراته واحدة مطيعة فان اطعنكم لان طبعا اهم
صفة في الجواز لا جمال العينين ولا شوية حبشكتكات اللي الشباب بيقتد خمس سنين يدور عليها ديت اما يلاقي واحدة في الاخر
وفي الاخر بيحبب واحدة اقل من كل نهار عليهم في الاخرة - [00:35:07](#)

عامل زي الحوت اللي ماشي في الماية كده وقاعد ماشي ومش عاجبه حاجة لحد ما دماغه تتخبط في في اي حاجة ولا شعب
مرجانية اي حاجة قدامه يقوم واخذها بقى في - [00:35:28](#)
اخر بعد ما بيدوخ في الاخر. فان اطعنكم فلا تبغوا عليهن سبيلا. ان الله كان عليا كبيرا. الكبير في شرع بقى. يعني ايه الكبير في
شرعه يعني اوامر ربنا على الرجل قبل الست. اوامر ربنا على الحاكم قبل المحكوم. على الملك قبل المملوك على السلطان قبل -
[00:35:38](#)

رعية اوامر ربنا على الغني قبل الفقير. اوامر ربنا على الكبير قبل الصغير ان الله كان عليا كبيرا يبقى الكبير في شرعه. ده رقم سبعة.
رقم ثمانية بقى الكبير في كلامه الكبير في كلامه ودي بقى اللي نختم بها ونقفل بها المرة دي بازن الله سبحانه وتعالى. آآ لان طبعا
الفروق ما بين الاسماء الحسنى - [00:35:58](#)

والمعاني ما بين الاسماء الحسنى معاني واسعة. اللي احنا بنعمله يا جماعة. يعني عامل زي واحد بقى بيقول لواحد ايه! شف النجم
اللي هناك ده! فهو آآ تشير الى النجم يداه - [00:36:20](#)
ها اه ولكنه لا يبلغ منتهاه. هو مش انا باشاور على النجمة اللي على بعد سبعين الف سنة ضوئية. انما وانا جبته! انا فين هو فين اصلا؟

فهو الاسماء الحسنى يا جماعة احنا احنا بنعيش بس معها. عشان قلوبنا تنور عشان يومنا يبقى يوم حلو - [00:36:30](#)

عشان قلوبنا تتملئ بالامل. عشان نعرف ان ما فيش مشكلة ما لهاش حل اسماء الله الحسنى هي الحسنى ربنا اشتقاها من من اللي

اسم الله المحسن. حسنى هي دي الحاجة الوحيدة اللي هتخلي حياتك حلوة. دي الحاجة الوحيدة اللي هتخلي - [00:36:48](#)

لانها تملئ حياتك امل وتفاؤل وبشر وهتعرفك تروح لمين ساعة ما يحصل اي مشكلة. فدي دي عدة دي اعزم مستشفى امراض نفسية

في الاجور داووا مرضاكم بالاسماء الحسنى دي حاجة ما ينفعش انك تحيد عنها عشان كده ان الذين يلحدون في اسمائه. هو عايز

يدفن الاسماء الحسنى ليه؟ لان هات لي ملك. هات لي اعزم ملك على وجه الارض - [00:37:02](#)

وخلي حد يكلمه فلما كده ملك مصر ملك مصر كلها سيدنا يوسف كلمه عن ربنا خمس دقائق. حد لمس كتاف انك اليوم لدينا مكين

امين. عايز وزيرة المالية عايز رئيس الحكومة - [00:37:25](#)

خد اللي انت عايز تاخده. اتسبت اتسبت لاسماء الله الحسنى بتسبت اي بني ادم. ملك اه ملك. انت عارف بينه وبين مراته ايه؟ مكان

الملك بتاع مصر مراته بتراود يوسف عن نفسه - [00:37:39](#)

ناصر ما عندوش قدرة يجمعها. ولا انت عارف هو داخلياته ايه انت شايف من برة. انت شايف رجل الاعمال متجوز آآ ملكة الجمال

انت ما انتاش عارف المصايب اللي من جوة وما انتاش عارف - [00:37:51](#)

عارف الهموم اللي من جوة زهرة الحياة الدنيا لنفتنهم فيه. كما قال المفسرون اي لعذبهم به. هو انت فاكر الدنيا اللي قعدت تفشخر

بها على الناس دي؟ هو متمتع بجد من جوة انت ما انتاش عارف التنغيص اللي متنغص عليه حياته من جوة. انت لو عرفت شلته كلها

مش هترضى تبادل شيلتك بشيلته. ما ترضاش انك تبادل الاتنين ببعض - [00:38:01](#)

الكبير في آآ كلامه ممكن بقى يعني الشهر الكبير في كلامي ممكن بقى نتكلم عنها المرة الجاية بازن الله لان الموضوع ده يعني جميل

واه آآ وعاييز كلام شوية وعاييز وقفة شوية. آآ ممكن نستأنف الكلام عن اسم الله الكبير بعد هذا. ولكن انا المرة دي كده بازن الله

سبحانه وتعالى آآ خلصت الرابع - [00:38:21](#)

اللي احنا اتفقنا عليهم في الاسماء الحسنى. آآ دكتور احمد بقى يعمل لنا آآ المفروض بقى قريبا كده امتحان سريع. ولا ايه يا مولانا ان

شاء الله بازن الله بقى كده انا مخلص كده اربع اسماء خلصت معكم اربع اسماء ايه؟ اسم الله الايه؟ الرشيدة. الرشيد واسم الله ايه -

[00:38:43](#)

المحسن واسم الله الايه؟ الكبير وفي اسم رابع الرشيد ها والمحسن على مرتين ايوة صحيح المحسن خدناه على مرتين والكبير دول

اربع مرات في اسماء الله الحسنى المرة الجاية ان شاء الله بازن الله ممكن نكمل في الكبير وممكن نكمل فيه وممكن آآ يعني ناخذ

اسم ثاني او حاجة تانية انما الاسماء الحسنى احنا كده خلصنا اربع مرات - [00:39:00](#)

لله سبحانه وتعالى مع بعض. النبي عليه الصلاة والسلام كان يقول اللهم مصرف القلوب صرف قلبي على طاعتك. اللهم يا مقلب

القلوب ثبت قلبي على دينك. يعني النبي عليه الصلاة والسلام كان يخشى من - [00:39:29](#)

تقليب القلوب انت امن ليه بقى؟ يبقى احنا الوقتي نتعرف على بعض كده بازن الله سبحانه وتعالى عشان ربنا يفتح لنا افاق الهداية

ويفتح لنا ابواب الهداية آآ الشيخ ابو سفيان موجود - [00:39:39](#)

اهو مع الشيخ محمد سمير خلاص ودكتور ابراهيم بقى يبجي معهم بازن الله. هناك بقى آآ آآ شيخ ابو عمر وباشمهندس سعد ربنا

يحفضه يبقى الورشة اللي الورشة اللي هناك يلا يا رجاله فتح الله عليكم عايزين بقى نايه يعني نرتب نفسنا كده في ثلاث دقائق عشان

نلحق نستفيد من بعض - [00:39:49](#)

بازن الله سبحانه وتعالى فتح الله عليكم - [00:40:08](#)